

EBUSUA

KWANKYERE BUUKUU

EBUSUA

K W A N K Y E R E B U U K U U

Jesus Christ N'asor a ɔwɔ ho
ma Nda a Odzi Ekyir Ahotseweefo
Salt Lake City, Utah Na wotsintsimii

© Nsusudo mu tum 2006 a odzi wɔ Intellectual Reserve, Inc.
Wɔakora do tumdzi nyina
Wotsintsiim no wɔ Amerika Nkabɔmu Man mu

Ngyirisi ngye ntomu: 2/06
Nkyerɛase wɔ Fantse kasa mu ngye ntomu: 2/06
Translation of: *Family Guidebook*
Fante 31180 502

Dza Ḍwɔ Mu

"Ebusua no: Dawurbɔ a wɔdze ma Wiadze"	iv
Ebusua no ne Nhyehyεε na no Botae	1
Erekyerεkyere Asεmpa no wɔ Fie	4
Erehye Ebusua Asodzi Mã	12
Banodzi Dwuma ho Ntsetsee	15
Ereyε Asɔrsom wɔ Fie (Ma Ebusua Ebusua a Wɔatsew hɔn ho tse Ekyirekyir)	16
Asɔfodzi Ayedze na Nhyira	18
Asɔr Ndzemba ne Nyae na Ebusua Abakɔsem ho Nsɛm a ɔwɔ hɔ no Nhwehwɛe	26

“Ebusua no: Dawurbo a wɔdze ma Wiadze”

Wɔ afe 1995 mu no, President a Odzi Kan na n'Apamfo no na Asomafo Abaguafø Duebien no dze “Ebusua No: Dawurbo a wɔdze ma Wiadze” no too gua. Dawurbo yi ye mpaamukā a ɔda nkyerekyere na ndzeyee a nkɔnhyefo no aks do akā no wɔ Asor n'abakɔsem nyinara mu no no nokwar edzi. Fapem nsɛm a ɔwɔ mu no ye dza ohia tsitsir ma ebusua biara n'enyigye na ne yieye. Ebusua mu mba nyina wɔde wosūa dawurbo yi na wɔdze n'ahyedze no bɔ hon bra.

“Hen, President a Odzi Kan na n'Apamfo na Asomafo Abaguafø Duebien no a yewɔ Jesus Christ N'asor a ɔwɔ hɔ ma Nda a Odzi Ekyir Ahotseweefo mu no, bɔ no dawur enyiberdo de banyin na ɔbaa ntamu awar ye Nyankopɔn Ne nhyehyee, na Bɔadze Ne nhyehyee ma Ne mba hon onnyiewieie nkrabea ne fapem nye ebusua.

“Nyimpa nyinara-mbanyin na mbaa-wɔbɔɔ hɔn wɔ Nyankopɔn no su do. Kor biara ye sor awofo hɔn sunsum mu dɔba banyin anaa dɔba ɔbaa, na dem ntsi, kor biara wɔ Nyame suban na nkrabea. De ɔye banyin anaa ɔbaa no ye ankorankor no bɔbea a ohia tsitsir ansaana ɔbeba asaase do, ne ɔnnkyebo asetsena ber, na ne onnyiewieie su na botae.

“Wɔ abrabɔ ansaana nyimpa reba asaase gynabew mu no, nna sunsum mu mbabanyin na mbabaa nyim na wɔsoom Nyankopɔn de hon Onnyiewieie Egya, na wɔgyee Ne nhyehyee a Ne mba botum edua do enya nyimpadua na woonya asaase do sūahu dze enya kan kɔ wɔ emudzi mu, na ewiei no, obiara enya Ne nkrabea de onnyiewieie adzedzinyi no, too

mu. Enyigye ho nhyehyee krɔnkron no tum ma ebusua nkitahodzi kɔ do wɔ owu ekyir. Ayedze krɔnkron na ahye-mudzi a wɔye no wɔ *temple* krɔnkron mu no, ma ankorankor kwan ma wotum san kɔ Nyankopɔn n'enyim na ɔma ebusua kā bɔ mu afebɔɔ.

Mbrasem a odzi kan a Nyankopɔn dze maa Adam na Eve no fa hon daa-kye abaatanye de kun na yer. Yεpaa mu kā de Nyankopɔn Ne mbrasem ma Ne mba de wɔndɔr na wɔnhye asaase do mā no, da ho dzi mu. Yεko do paa mu kā de Nyankopɔn ahye mbra de awo ho tum krɔnkron no wɔde odzi dwuma wɔ banyin na ɔbaa a wɔawar wɔ mbra kwan do, de kun na yer, nkotsee ntamu.

“Yε paa mu kā de kwan a wodua do dze bɔ nkwa a ɔnnkyebo yi ye Nyame ahayedze. Yesi nkwa asetsena yi no krɔnkronye no pi, na no ho hia a ohia wɔ Nyankopɔn ne onnyiewieie nhyehyee mu.

“Okun na ɔyer wɔ enyiber asodzi de wɔbɔdɔ na wɔahwε hon ho na hon mba ‘Mba ye Ewuradze n’egyapadze (Ndgom 127:3). Awofɔ wɔ dwuma krɔnkron de wɔtsetse hon mba wɔ cɔdɔ

na tseneneeyε mu, wɔma hɔn honan-dua na sunsum mu ehiadze, wɔkyere-kyere hɔn ma wɔdodo hɔnho nkorkor, wodzi Nyankopɔn Ne mbrasem do, na wɔyε amamfo a wodzi ɔman ne mbra do wɔ beebiara a wɔtse. Kunnom na yernom—enānom na egyanom—bobu asedze yinom ne nyee ho nkontaa wɔ Nyankopɔn enyim.

Ebusua no ye Nyankopɔn Ne nhye-hyεε. Banyin na ɔbaa ntamu awar hia tsitsir ma Ne onnyiewiei nhye-hyεε. Mba fata de wɔwo hɔn wɔ awar nhye-hyεε mu, na ɔwɔ de egya nye nã a wɔdze nokwardzi dzi awar nsew no do no, tsetse hɔn. Nsa bekã ebusua abrabɔ mu enyigye no se wɔtow ne fapem wɔ Ewuradze Jesus Christ ne nkyerekyerε do a. Awar na ebusua ebusua a wɔkɔdo yie no, wɔkyekyer na wɔkora do wɔ gyedzi, mpaabɔ, nnuhu, fakyε, enyidzi, ɔdɔ, ayamu-hyehye, edwumayε, na agordzi dwumadzi a odzi mu fapem do. De mbre Nyame ahye-hyε no, egyanom wɔdε wɔhwε hɔn ebusua ebusua do wɔ ɔdɔ na tseneneeyε mu na ɔyε hɔn asodzi de wɔma hɔn ebusua ebusua abrabɔ

mu ehiadze na bambo. Nānom hɔn asodzi tsitsir ara nye de wɔtsetse hɔn mba. Asodzi krɔnkrɔn yinom mu no, ɔyε egyanom na nānom hɔn asedze de wɔboa hɔn ho de adamfo etsipenfo. Dzemdzi, owu, na gyinabew binom so botum ama ekehia de ankorankor ye nsesā. Ebusuafo nkaafø no wɔdε wɔma mboa wɔ hiaber mu.

Yεbɔ kɔkɔ de ankorankor a wɔtɔ ahosie ahyemudzi, wobu ahokafo anaa mba enyimtsia, anaa wobu hɔn enyi gu hɔn ebusua asodzi do no begyina Nyankopɔn enyim ebu ho nkontaa. Yεkɔ do bɔ kɔkɔ de ebusua ntsetse-tsewmu dze mbusu kese a tsetse ber na nde ber yi mu nkɔnhyefo ahye ho nkɔm no beba ankorankor, nyimpakuw, na amanaman do.

Yetotɔ sere amamfo a hɔn enyi wɔ adze do, na aban mu dzibewdzifo a wɔwɔ beebiara de wɔdze tsipia bɛma dem esusudze yinom a wɔahyehye de ɔbɔkora na wɔahye ebusua a ɔyε wiadzemba ne fapem tɔw no dzen.

Ebusua no ne Nhyehyee na no Botae



Nhyehyee

Ebusua no ye krɔnkron na ɔye kuw tɔw a ohia tsitsir dɛm aber yi, na onnyiewiei ber mu wɔ Jesus Christ N'asɔr a ɔwɔ ho ma Nda a Odzi Ekyir Ahotseweefo mu. Nyankopɔn na ɔdze ebusua ebusua bɔbɔɔ adze de ɔbɛma

Ne mba enya enyigye, na ɔama hɔn kwan ma woesua fapem a ɔtsen wɔ ɔpɔ asetsena mu, na oesiesie hɔn ako nkwa a onnyiewiei mu.

Fie no nye bea a odzi mu mapa a wɔkyerɛkyere, wosua, na wɔdze asempra fapem no bɔ bra. Hɔ nye bea a ankorankor sūa mbre wosi nya edzibani, efuradze, tsenabew, na ehiadze binom so a wohia no. Egya na enã no, de wɔye adamfo etsipenfo no, wɔde wɔboa obiara a ɔka ebusua no ho:



- Hwehwɛ nokwar no na ɔto ne gye-dzi wɔ Nyankopɔn mu mpon.
- Nu noho wɔ bɔn ho, gye enuma kɔ bɔnfafir mu, bɔye Jesus Christ N'asɔr a ɔwɔ ho ma Nda a Odzi Ekyir Ahotseweefo asɔrba, na ɔgye Sunsum Krɔnkron no.

- Dzi Nyankopon ne mbrasem do, sūa kyerewsem no enyiberdo, bō ankorankor mpaabō da biara, na ɔsom binom so.
- Nye binom kye asempa no.
- Gye ne *endowment*, na ɔwar hokafo a odzi mu mbersantsen mu wō *temple*, ma fie ye enyigye bea ma ebusua no, na ɔdze ɔdza na afərbō ye ebusua no kyirtaaf.



- Hwehwe n'ewuakor ho nsəm na ɔaye *temple* ayedze ama hōn.



- Ma edziban a ohia ma sunsum, ɔman nkitsahodzi, honandua nye adwen mu ahoođzen.
- Egya no na ɔhwē ebusua no do, na ɔye n'asodzi de ɔkyerəkyere mba no, na ɔma ebusua no abrabō mu ehia-dze. Egya a odzi mu wō Asor no mu

na ɔfata no, wō ho kwan dē okitsa asfodzi no a, ɔye tum na tumdzi a wōdze dzi dwuma wō Nyankopon ne dzin mu. ɔnam tum na tumdzi yi do ma egya no beye n'ebusua no asfodzi banodzinyi. Odzi n'ebusua no kan wō ahosiesie a wōdze besan akō hēn ɔsor Egya enyim. Ne yer nye ne nyenka, adamfo, na ɔpamfo tsitsir. Kun na yer no wōdze wōbōmu fa apam wō ndzemba nyina a ɔfa ebusua na fie no ho.

Egya no wōdze ɔma n'ebusua no sunsum mu ehiadze. ɔhwē de ɔkyerəkyere hōn Jesus Christ n'asempa no, na ɔwō de ɔye dza obotum aye biara dze hye hōn nkuran na ɔboa hōn ma wōye setsie ma Ewuradze ne mbrasem.

Egya a okitsa asfodzi no botum ehyira n'ebusua na ɔama hōn hōn sunsum mu ehiadze. Wō asfodzi ne tumdzi a ɔfata no do no, na oenya kwanma tumdzi efi ne asfodzi banodzinyi hō no, egya no botum:

1. Ato dzin na oehyira mbofra.
2. Oenuma mbofra (na binom so).
3. Oesi mbofra (na binom so) pi dē asɔrm̄ba na ɔama hōn Sunsum Krōnkron no.
4. ɔama ne mbabanyin (na binom so) asfodzi na ɔahye hōn akō asfodzi dzibew horow mu.
5. Oehyira *sacrament* do na ɔdze akō aporɔw.
6. Oehyira nda do.

Oenya kwanma tumdzi emm̄fi ne asfodzi banodzinyi hō mpo a, egya a okitsa

Melchizedek Asəfodzi no botum ehyira ngo do na oehyira n'ebusua mu mba na binom ber a wɔyar, na ɔama hɔn nhyira soronko mber binom so, se okehia a. (Hwe nkrataafa 18–25 na hu nkyerékyere a wɔdze ye asəfodzi ayedze wɔ kwankyere buukuu yi mu).

Egya no wɔdε ɔhwε de n'ebusua no dze hɔn ho ahyε, na wɔbɔhyew wɔ mfitsasesem asodzi ebiasa yinom mu:

1. Ankorankor na ebusua sunsum na honadua mu ahoboaboa.
2. Asempa ne nkyee.
3. Ebusua abakɔsem na *temple* ayedze ma atseasefo na ewufo.

Enã no ye adamfo tsipemfo na ɔpamfo ma no kun no. ɔboa no ma wɔkyerekyere hɔn mba no Nyakopɔn ne mbra no. Se egya nnyi fie no mu a, enã no na ɔhwε ebusua no do.

Otwar de egya na nã no hɔn botae ye kor. Dza ɔwɔ de osi hɔn enyi do nye wobesiesie ebusua mu mba nyina ma wɔasan akɔ Egya a ɔwɔ Sor hɔ. Nkabɔmuye na ɔwɔ de wɔyε, ber a worldzi dwuma dze enya dza osi hɔn enyi do yi. Ewuradze dze asɔr no abɔbɔ adze ama ɔaaboa eyanom na enãnom ma wɔakyerekyere na wɔahwe hɔn ebusua ebusua do.

Se mbofra ba ebusua no mu a, awofo no wɔdε wɔdɔ hɔn, wɔkyerekyere hɔn asempa no nokwar no, na wɔyε tsene-nee abrabɔ ho fasusu. Mbofra wɔdε wosūna na wodzi Nyankopɔn ne mbra-sem do. Hɔn awofo no, ɔwɔ de wodzi hɔn nyi na wɔyε setsie ma hɔn.

Asɔr no n'ahoodzen gyina ebusua ebusua na akorankor a wɔdze Jesus Christ n'asempa no bɔ hɔn bra do. Mbre ebusua si nya enyigye wɔ asempa no ho nhyira mu no, ne kese noara gyina ma egya na enã no si tse ase na wodzi hɔn mfitsasesem asodzi horow ase yie de awofo, na wodzi do no. Asɔr no rennye nsusui dabiarada de, ɔdze nhyehyε nye asodzi horow bebre eyanon na enãnom ara ma wɔabor hɔn do, anaa wɔahye hɔn abagura, anaa wɔama woebu hɔn enyi egu mfitsasesem asodzii tsitsir yinom do.

Botae

Osiande hen Egya ɔwɔ Sor dɔ hen ntsi, ɔpe de yenya nkwagye na ntowdo de ma ɔnoara tse no. Ama wɔaboa hen no, ɔama hen nhyehyε a yebedzi do a, ogyina nokwar mbra a ofi sor do. Hɔn a wosūna fa mbra no ho na wodzi do nokwar mu no, wobotum daakye bi wɔabeye de Hen Egya a ɔwɔ Sor, na woonya enyigye abrabɔ a ɔtse mu no.

Nhyehyε no ne fã bi nye de yebefi sor na yeaba asaase do. Ha no, yenya honandua, yenam sūaho horow do dze sūa adze, na wɔasɔ hen ahwε de yebedzi mu de yebesan akɔ Nyankopɔn enyim nye no aketsena a. Yekyere de yedzi mu ber a yedze hen fahodzi san mu yi de yebedzi Ne mbra do. (Hwe Abraham 3:23–25; 2 Nephi 2:27).

Ama wɔaaboa hen ma yeesiesie henho Nye no aketsena abɔ bra no, hen Egya a ɔwɔ Sor ahyehyε hen ato ebusua ebusua mu. Hen ebusua ebusua botum edua ayedze krɔnkɔn na ahyemudzi do, abɔmu onnyiewei mu.

Erekyerékyere Asem̄pa no wɔ Fie



Edze Ayamuyie na ɔdɔ Rekyerékyere Mbofra

Ewuradze ahye awofo de wɔnkyerekyere hɔn mba asem̄pa no. Osee de:

"Susuampaara de awofo wɔ mba wɔ Zion, anaa ne *stake* a wɔakyekyer no mu bi no, na wɔannkyerekyere hɔn ma wɔanntse nkyerékyere a ɔfa nnuho ho, nye gyedzi wɔ Jesus Christ, Nyame tseasefo ne Ba no mu, nye enuma, nye Sunsum Krɔnkron n'akyedze no a wɔdze nsa gu do ma wonya no, se wodzi mfe awɔtwe a, bɔn no bogu awofo no hɔn etsifi.

"Na iyi bɔyε mbra ama nkɔrɔfɔ a wɔwɔ Zion, anaa wɔ ne *stake* a wɔakyekyer no nyina mu.

"Na se hɔn mba no dzi mfe awɔtwe a, wobonuma hɔn ama woeenya bɔnfakyere na wɔdze nsa egu hɔn do.

Na wɔbækryerékyere hɔn mba so mbre wonsi mbo mpaa, na wɔnantsew nokwar mu wɔ Ewuradze enyim (Nkyerékyere na Ahyemudzi 68:25-28).

Awofo wɔdɛ wɔdze ayamuyie na ɔdɔ kyerekyere, na wɔkkaa ɔsomafo Paul n'afotu de " wɔnnyen (hɔn mba) Ewuradze setsie nye kasakyere mu" (Ephesusfo 6:4).

Ebusua Kyerewṣem Nsūae

Yebotum yeabeyε de hen Egya a ɔwɔ Sor na yeenya enyigye wɔ abrabɔ a ɔtse mu no bi, nna gyedɛ yedzi mbra no a dem nhyira no gyina do no do (Hwε Nkyerékyere na Ahyemudzi

130:20–21). Ansaana yebotum dze dem mbra no abɔ bra no, otwar de yehu mbre ɔtse. “Wonnkotum agye nyimpa nkwa wɔ no kotooye mu” (Nkyerekyere na Ahyemudzi 130:6).

Jesus Christ nye hen banodzinyi na mbrahye. Onyim ɔkwan no na mbra a otwar de yedzi do, na ɔdato nsa afre hen mu kor biara de ɔmbækā No do. ɔsee dε: Emi nye ɔkwan no, nye nokwar no, nye nkwa no; obi mmba Egya no hɔ, gyedɛ ɔnam mo do.” (John 14:6). Ama yeaye de hen Egya a ɔwɔ Sor na yeasan akɔ Ne nkyen no, otwar de yesū Jesus Christ ne nkyerekyere no na yedzi do. Yewɔ kyerewsem a ɔboa hen ma yesū dza ɔfa Jesus Christ n'abrabɔ, ne nkyerekyere, na ne mbrasem ho.

Mbuukuu anan a Asɔr no gye to mu de kyeresem no nye Bible, Mormon Nwoma no, Nkyerekyere na Ahyemudzi no, nye Bota a ɔsom Bo Mapā no. Wɔkyerekyere asempa ne mbra no mu, na wɔma hen gyinapen a yedze bosusu adwendwen, ndzeyee, na nkyerekyere nyina. Wɔboa hen ma yesū fa Jesus Christ n'abrabɔ na ne nkyerekyere ho, na wɔma hen nkɔrfɔ a wonyaa gyedzi wɔ Nyankopon mu na wosie Ne mbrasem no, ho nsem.

Jesus akyerekyere hen de yemper nhwehwe na yensūa kyerewsem no (hwε John 5:39; 3 Nephi 23:1; Nkyerekyere na Ahyemudzi 88:118).

Ebusua ebusua wɔde wɔtaa bɔmu sūa kyerewsem no, ama woeesūa na woedzi Ewuradze ne nkyerekyere do. Awofo wɔde wɔboa hɔn ebusua ebusua no ano dabiara, wɔ mber pɔkyee bi mu,

dze akenkan na wɔapensampensa kyerewsem no mu. Ebusua mu ba biara obotum akenkan no, wɔde onya kwan kenkan fi kyerewsem no mu.



Ansaana wɔbehye kyerewsem akenkan ase no, ebusua mu ba kor botum abɔ mpaa ebisa Egya a ɔwɔ Sor ma woe-hyira obiara ma wɔatse dza wɔbekenenka no ase na woonya ho dasedzi. Ebusua ebusua botum abɔ hɔn ebusua mpaabɔ, wɔakenkan kyerewsem no ewie no.

Ber a ebusua ebusua kenkan na wɔdwendwen kyerewsem ho no, wɔbepɛ de wɔbeye de Agyenkwa no ara, na wobenya enyigye na asom-dwee kese wɔ hɔn abrabɔ mu so.

Ankorankor na Ebusua Mpaabɔ

Otar de hen mu kor biara sūa de ɔbefa mpaabɔ do nye hen Egya a ɔwɔ Sor akasa. ɔdɔ hen na ɔdɔ pe de yenye No kasa. ɔpe de yeda No ase wɔ hen nhyira ho, na yebisa No hɔ mboa na kwankyer. Se yebisa a, ɔbɔboa hen. Mpaabɔ no dodow ara no, yesi hen tsir adze na yemua hen enyiwa ber a yebu nkotodwe, yetsera hɔ, anaa yegyina hɔ no, na yebɔ.

Ohia de yekaa fapem etsitsir anan ber a yebɔ mpaa:

1. Yekasa kyere hen Egya a ɔwɔ Sor dze hye hen mpaabɔ ase: "Hen Egya a ɔwɔ Sor..."
2. Yeda hen Egya a ɔwɔ Sor ase wɔ ndzɛmba a ɔdze ma hen: "Yeda Wo ase."
3. Yebisa No hɔ mboa a yehia: "Yebisa Wo de."
4. Yewie hen mpaabɔ no wɔ Agyenkwa ne dzin mu: "Wɔ Jesus Christ ne dzin mu, amen."

Nyε aber nyina na hen mpaabɔ bedzi anamɔn kwan anan yinom do, mbom se yedze to hen adwen mu a, ɔbɔboa hen ma yesüa mpaaa bɔ. Aber nyina, ɔwɔ de yefa anamɔn kwan no a odzi kan nye dza odzi ewiei no do, dze hye hen mpaabɔ ase na yedze wie; mbom dza yebekā no finimfin no begyina dza yenya ho atsenkā de ohia tsitsir no. ɔtɔfabi a, yebepé de yedze mpaabɔ ber no dadow beda hen Egya a ɔwɔ Sor ase. Ber bi so, yebepé de yedze mpaabɔ ber no dadow bisa No hɔ mboa.



Ankorankor Mpaabɔ

Annye yie koraa no, nyimpa biara wɔde ɔbɔ mpaaa de ankorankor, anapa na ewimber biara. Awofo wɔde wɔkyere mbofra ma wɔabɔ hɔn ankorankor mpaabɔ ber a wɔahye ase rekasa no ara. Awofo botum akyerekyere mbofra mbre wosi bɔ mpaaa ber a wonye hɔn bu nkotodwe na wɔma wosi do kā no asentɔw asentɔw. ɔrennkyer biara na mbofra no ara etum abɔ hɔn mpaaa.

Ebusua Mpaabɔ



Ebusua biara wɔde ɔbɔ ebusua mpaabɔ dabiora. Ebusua mu mba no nyina bɔmu bu nkotodwe, na ebusua ne tsir no bɔ mpaaa anaa obisa ebusua mu ba kor ma ɔbɔ. Obiara wɔde onya kwan, ofi ber to ber, dze bɔ mpaaa. Obotum edu mbofra nkakraba do ma awofo no aboa hɔn. Ebusua mpaabɔ ye bera odzi mu ankasa a wɔdze kyerekyere mbofra mbre wosi bɔ mpaaa, na wɔdze kyerekyere fapem nsem tse dε gyedzi wɔ Nyankopɔn mu, ahobcrease, na ɔpɔ.

Mpaabɔ Soronko

Awofo wɔde wɔkyerɛkyere hɔn mbofra de Nyankopɔn aye krado aber nyina de obetsie hɔn mpaabɔ. Wobotum abɔ mpaa aber biara a wohia mboa soronko bi, anaa wɔpe de wɔma hɔn ndaase no, dze akā hɔn ankorankor na ebusua mpaabɔ no a, wɔtaa bɔ no ho.

Irihyira Edziban do



Awofo wɔde wɔhwɛ de ebusua mu ba biara esūa de ɔbeda Nyankopɔn ase wɔ edziban a oenya, na obisa No ma ohyira do ansaana oedzi. Obiara a, mbofra nkakraba kā ho, ɔwɔ de wɔhyehyɛ ma odu no do, ma ɔma nhylira no. Erobɔ mpaa dze ehyira edziban do no boa awofo na mba ma wosūa de, ɔwɔde wɔda wobenya ndaase ama hen Egya a ɔwɔ Sor ase.

Ebusua Ewimber Fie Nhyiamu

Ebusua ewimber fie nhylira wɔ hɔ ma obiara, awarfo ahokafo a wɔwaa-re nnkyeree, egyanom na nānom nye hɔn mba, awofo hokafo nye hɔn mba, awofo a wɔnnyi mba a wɔtse fie, nkataasia na mberantse ahokafo

a wohyia ekuw ekuw yε ebusua ewimber fie nhylira, na hɔn a wɔtse ankorankor anaa wɔnye binom tse no. Obiara, a ɔbeɛɛ ebusua ewimber fie nhylira no, wobehyira no a, ne gyinabew mmfa ho. Asɔr no dze Dwowda ewimber to hɔ pan a wɔnnyyɛ dwumadzi biara ama ebusua ebusua eetum ehyia mu aye ebusua ewimber fie nhylira.

President a Odzi Kan na n'Apamfo akā de: "Yebɔ hom nhylira kese ho anohoba, se hom bedzi Ewuradze n'afotusem do na hom ataa aye ebusua ewimber fie nhylira a. Yebɔ mpaa daa de awofo a wɔwɔ Asɔr no mu no begye hɔn asodzi ato mu de wɔbekyerɛkyere na wɔayɛ asɛmpa fapem ho fasusu ama hɔn mba. Nyankopɔn nhylira hom ma hom mfa enyimpi ndzi asodzi tsitsir yi do." (*Message from the First Presidency," Family Home Evening Resource Book [1983], iv.*)



De ɔyε n'ebusua mu *patriach* no, egya no ɔhwɛ ebusua ewimber fie nhylira no do. Se egya no nnyi hɔ a enā na ɔhwɛ do. Awofo no na wɔdze nhylira nhylire no to gua, anaa wɔma ebusua mu ba kor dze ebusua

ewimber fie nhylamu ne nyehyee no to gua. Awofo no kyere adzesuadze no anaa woyi mba no a hon enyi efir no ma wɔkyerekere. Mbofra nkra-kraba botum aboa ber a wogyna enyim tow tow hon nsa adwontow ber, anaa wɔsere kā kyerewsem mu nyiyimu, woyi nsembisa ano, wosuo mfonyin mu kyere, wɔdze nkekā ano kō aporɔw, anaa wɔbɔ mpaa.

Nsusui a wɔhwε do ye ebusua fie ewimber nhylamu na odzi do yi:

- Mbuei ndwom (ebusua no na wɔtow)
- Mbuei mpaabɔ (ebusua mu ba na ɔbɔ)
- Awensem anaaso kyerewsem akenkan (ebusua mu ba na ɔkā)
- Adzesuadze (egya no, anaa enā no, anaa ba a n'enyi efir na ɔma)
- Agordzi dwumadzi (ebusua mu ba kor dzi kan ma ebusua no nyina dze hon ho hye mu)
- Mponee ndwom (ebusua no na wɔtow)
- Mponee mpaabɔ (ebusua mu ba na ɔbɔ)
- Nkekā ano

Ebusua biara botum aye ewimber fie nhylamu wɔ akwan ahorow do. Agordzi dwumadzi biara a ɔkā ebusua no bɔmu, ɔhye hon do ma honho no dzen, ɔboa hon ma wɔtwe ben hen Egya a ɔwɔ Sor, na ɔhye hon nkuran ma wɔtsena ahotsewee mu no botum aye ebusua ewimber fie nhylamu.

Mfatoho a ɔkā dem dwumadzi yinom ho bi nye kyerewsem ne nkankanee, asempa no mpensampensamu, wɔrekye hon dasedzi, wɔreye som dwuma bi, wɔrobɔmu atow ndwom, wɔrekɔ picnic, worldzi ebusua agordzi bi, anaa worutu mpasar. Mpaabɔ wɔde ɔkā ebusua ewimber fie nhylamu nyinara ho.

Ebusua ewimber fie nhylamu adzesuadze no botum egyna kyerewsem do; nda a odzi ekyir nkɔnhyefo hon nsem do; nkaanka wiadze mfendzanan ehyiadzi mu nsenkā; na ankorankor sūahu nye dasegye. Adzesūadze no dodow na ɔwɔ de osi Agyenkwa no n'awoo, n'abrabs, ne nkyerekere na ne Werdambɔ no do. Wɔakyerew nsem na dza ɔfa nsengyinado pii ho wɔ Asempa Fapem, Asempa Alyese, True to the Faith, For the Strength of the Youth, na Asor dawurbɔ mu a wobotum dze aye ebusua ewimber fie nhylamu adzesūadze ne fā bi.

Nsengyinado a wɔbepensampensamu wɔ ebusua ewimber fie nhylamu ho nsusui na odzi do yi:

- Nkwagye ho nhyeheyee
- Jesus n'abrabs na ne nkyerekere
- Nuuho
- Mpaabɔ
- Akɔnkye
- Enyansasem no
- Ewuradze ne gyinapen wɔ ahosan bra ho
- Sacrament no a'asekyere

- Ebupen du
- Enyisɔ
- Nokwardzi
- Obu ma Nyankopɔn na enyidzi ma N'abɔdze horow
- Irisiesie woho ama Enuma, Asɔfodzi ne mmae, anaa awargye
- Irisiesie woho ahen *temple* mu
- Erekenkan kyerewsem no
- Irisie Ahomgyeda no krɔnkrɔn
- Edze binom bɔn rekye hɔn
- Erenya na erekycē dasedzi
- Enye binom rekye asempa no
- Eroboaboa ebusua abakɔsem
- Eretse owu ase na eregye to mu
- Irisiesie ebusua nsenhia
- Erohwɛ ebusua sikasem do
- Erekycē fie edwuma ama ebusua no
- Iritsie ndwom pa na eregye w'enyi

Ahomgye Mber na Mber Soronko Horow

Ahomgye mber na mber soronko horow, tse de Burɔnya; *Easter*; asɔfodzi ne nsanananmu afedzi; elhyiadzi; ebusua mu ba refir edzi akɔ asempakā edwuma; anaa ebusua mu ba n'awoo, enuma, anaa wɔremma no asɔfodzi no, botum aye kwan a odzi mu ankasa a wɔdze kyerekyere asempa no nokwar no.

Ebupen Du na Afɔrbɔ



Ewuradze ahye No nkorɔfo de wondzi ebupen du mbra no do mfa mbɔ hɔn bra, ama wɔaafata nhyira a wɔaabɔ ho anohoba no (hwɛ Malachi 3:8–11).

Ber a odzi mu ankasa a awofo dze kyerekyere ebupen du na afɔrbɔ mbra no nye ber a wotua hɔnankasa hɔndze. Mba no nya nhyɛdo wɔ dza wohu hɔn awofo ye no. Mba a wonya sika kakra no, ɔwɔ de wotua ebupen du wɔ ho. Abofra biara botum enya sika adaka asorɔtow ebiasa: ebupen du dze kor, asempakā dwuma dze kor, na sika a ɔsɛɛ no dze kor. Aber biara abofra no nya sika no, ɔwɔ de osūa de odzi kan no, ɔdze ne nkycē mu du mu kor to ebupen du adaka no mu, nkyyii, ɔdze kakra ato asempakā dwuma adaka no mu, na nkaa no ɔdze ato sika a ɔsɛɛ no n'adaka no mu.

Ber a mbofra retua ebupen du no, awofo no wɔdɛ wɔboa hɔn ma wɔkyerew no wɔ ebupen du krataa sin no do, wɔdze sika no kā ho hye *envelope* mu, na wɔdze kema, anaa wɔdze soma kema *bishop* na n'apamfo mu kor anaa nkorbata *president* na n'apamfo mu kor.

Ebusua ebusua a wɔatsew hɔn ho tse ekyirekyir no, ɔwɔ de wɔdze hɔn ebu-pen du no ma asɔfodzi banodzinyi a woeyi no ama hɔn no

Edzidzi ber Nkɔmbɔdzi

Mber pa a wobotoum akasa afa asem̄pa no ho nye edzidzi ber.

Mbofra nkakrab̄a pe asem̄pa no ho nsembisa na ne nyiano. Se wonnyim nyiano no a, eḡya anaa enā no botum ama nyiano tsibaa na wɔakyer̄kyere asem̄pa no. Nnye edzidziber nyina na ohia de asem̄pa mpensampensamu kā ho, mbom dem̄ nkɔmbɔdzi yi kō do mpen ebien anaa ebiasa wɔ dapen no mu a, obotum aboa ebusua no ma woesū asem̄pa no.

Adzesaa-ber mu Anansesem

Osiande mbofra mu dodowara p̄e adzesaa-ber mu anansesem ntsi, ɔma kwan a odzi mu ankasa a wɔdze kyerekyere asem̄pa no ber a erekā, anaa erenkan kyerewsem mu nsem no, anaa nwoma a Asor no etsinstim ato gua, anaa ankorankor sūahu bi no. Nsem a ɔfa nokwardzi, erek̄ye adze bi, na aya-muyie kyere asem̄pa fapem tsitsir.

Wɔrobɔmu aye Edwuma



Akwan pii a wɔdze kyerekyere asem̄pa no tum ba, ber a ebusua no bɔmu ye edwuma wɔ fie no ho. Mfatoh̄o, ber a wɔresiesie fie no anaa wɔreye edwuma wɔ paado anaa ture mu no, awofo no wɔde wɔda hɔn ho do dze hwehwe kwan a wɔbekasa afa asem̄pa no ho. Mbofra no betaab̄a ebisabisa nsem̄. Awofo wɔde daa wonya mber yie dze ma nyiano tsibaa. Nsemkā tse de "Eye odwumayenyi pa. Me wɔ awerehyemu de Egya a ɔwɔ Sor wɔ woho enyigye" anaaso "Hwe mununkum fefew a Egya a ɔwɔ Sor no aye" botum ama mbofra no enya aseda atsenkā ama hen Egya a ɔwɔ Sor, na woonya awerehyemu de ɔwɔ hɔ ampara.

Ebusua Baguabɔ



Awofo botum afre ebusua mu mba no abɔmu aye ebusua baguabɔ. Ebusua ebusua tum dze baguabɔ yinom yi hyehye dza ebusua dze n'enyi besi do, siesie ebusua nsenhia, apensampensam sikasem mu, ahye nhye-hye binom, na wɔataa binom ekyir, wɔahye hɔnho dzen, agye hɔn dasee na wɔabɔ mpaa ama hɔn ho. Wotum bɔ ngua ber biara wohia no. Awofo bɛpe de wohyia wɔ ebusua baguabɔ Kwesida biara anaa

ber a wɔreye ebusua ewimber fie
nhyiamu. Edze obu rema binom hɔn
adwenkyere na nkātse hia tsitsir ma
ebusua baguabɔ no wie yie.

Kokoamu Mpensampsamu



Awofo dodowara hu de wɔtaa nye ba
kor biara ye kokoamu mpensampsamu a,
ɔboa hɔn ma wɔtwe ben hɔn
mba no, na wɔhye hɔn nkuran, na
wɔkyerekyere hɔn asempha no. Wobotum
agye enyim aye dem mpensampsamu yi,
anaa woehyia no kwan ara, na wɔtaa ye a ɔboa.

ɔwofo no wɔde ɔkā no dɔ na gyedzi
a ɔwɔ wɔ ba no ho kyere no, na ba no
nya kwan a ɔbekā n'atsenkā wɔ asem
biara ho, anaa asenhia biara, anaa
sūahu bi ho kyere. ɔwofo no wɔde
otsie no yie na ɔfa ba no ne nsenhia na
nsumaa mu nsem no enyiberdo. ɔwofo
no na ba no bepe de wɔbɔmu bɔ mpaa.

Nsenhia a obopue efi mpensampsamu no a ɔfa ebusua mu mba nkaa no, wobotum akā ho asem wɔ ebusua ewimber fie nhyiamu a odzi do no do.

Ebusua Dwumadzi

Awofo wɔde wɔtɔ de wɔhyehye nye ebusua no nyina bɔmu ye adze. *Picnic*, asesebo, ebusua dwuma binom, fie na paado edwumayɛ, esubo, kwaamu āpaser sene a oye fata, na enyigayedze bi so ye dwumazi mu kakra a ebusua no botum dze abɔmu agye hɔn enyi.

Ebusua a wɔbɔmu gye hɔn enyi wɔ dwumadzi mu no benya ɔdɔ na korye ho nkātse kese. Mbofra benya pe mbordo de wobetsie hɔn awofo na woedzi hɔn afotu do bere a wɔtse nkā de wɔben hɔn. Awofo botum akyerekyere asempha no yie mu mapā.



Erehye Ebusua Asodzi Mā



Ewuradze N'asor no botae nye de ɔba-boa nyimpa nyina ma wɔaba Christ nkyen. Ebusua ebusua botum aboa ma wɔaye botae yi ber a hɔnara:

1. Wɔma hɔnankasa hɔn sunsum mu na honandua mu ehiadze na wɔabo-binom ma wonya hɔn ehiadze.
2. Wɔnye binom kye asempa no.
3. Wɔhwε de ebusua mu mba agye *temple* ayedze na wɔboa ma hɔn ewuakɔr nya dɛm nhyira yinom.

Sunsum mu na Honandua mu Ehiadze

Sunsum mu Ehiadze

Nsem wɔ ɔfā a odzi kan no a ɔwɔ kwankyerɛ buukuu yi mu, "Erekyere-

kyere Asempa no wɔ Fie," no mu a, ɔkyere mbre ebusua no botum enya hɔn sunsum mu ehiadze.

Honandua mu Ehiadze

Ebusua ebusua wɔde wɔye ahodan ama woetum ama hɔnankasa hɔn honandua mu ehiadze na wɔabo-binom so ma woonya hɔn ehiadze. Ama wɔaye ahodan no, otwar de ebusua mu mba nya pe de wɔbeyε edwuma. Edwumayε ye honandua mu, adwen mu, anaa sunsum mu mbɔdzembɔ. ɔye nyimdzee, enyigye, obu, na prɔmprɔmyε ne mfiase. Awofo no wɔde wɔbɔ mbɔdzen de wɔbeyε ahodan, na wɔkyerekyere hɔn mba so ma wɔye dɛmara. Wɔreyε ahodan no bɛma woetum aboa nkaafø a wohia mboa.

Ɔye egyanom no hɔn asodzi de wɔma hɔn ebusua ebusua abrabɔ mu ehiadze na bambo. Nānom no hɔn asodzi tsitsir ara nye de wɔtsetse hɔn mba. Awofo hwe de fie hɔ tsew, wonya edzipan pa, efuradze, apɔwmudzen na sē ho edurye pa, adzesūa kankɔ ho akwan, sikasem ne nhwedo nkyerɛkyere, na se ɔbeyɛ a, woénya ntsetsee wɔ mbre wosi dua hɔnankasa hɔn edziban a wodzi binom ho. Awofo wɔdɛ wɔkyerekyere hɔn mba mbre wosi ye edziban na wɔdze sie ma ɔkyena bi woedzi.

Awofo wɔdɛ wonya pe de wɔbeyɛ edwuma dzen dze enya honandua mu ehiadze yinom. "Na hom remma kwan ma ɔkɔm nndze hom mba, anaa wɔnda adagyaw" (Mosiah 4:14). Awofo wɔdɛ wɔyɛ nhyehyɛe na ahoboaboa de wɔbɛma ebusua ehiadze wɔ yarba ber, esian ber, ber a wɔnnyɛ edwuma, anaa ahokyer binom so mu. Se ɔyɛ dzen ma egya no de ɔbɛma n'ebusua honandua mu ehiadze, na se ebusuafo nkaa no enntum ammboa a, obotum edua asɔfodzi banodzifo no do, ahwehwɛ mboa.

Mba tum boa ma wɔma hɔn ebusua ebusua honandua mu ehiadze ber a wɔroboa awofo no hɔn edwumayɛ mu, worusū adze yie wɔ skuul, wɔrohwɛ hɔnara hɔn efuradze na hɔn ndzemba nkaa no do yie, wɔrema hɔnho na hɔn fie atsew na aye wansawansa, na wɔkora hɔn apɔwmudzen do yie.

Ebusua mu mba wɔdɛ wotu hɔn akenkan, akyerew, na nkontaabu nyimdzee kakra no mpon, na wɔfa kwan biara a ɔbeda hɔ no do dze nya nyimdzee na

wotu hɔn nsaano dwuma mpon. Nyansasem no, ɔwɔ de wodzi do, na wodzi edziban pa a ɔma ahom. Se ɔbeyɛ a, ebusua no wɔdɛ wosie afe kor ndzemba a wɔdze ye hɔn ho, anaa de mbre wobotum no, ndzemba tsitsir a wobehia agye hɔn nkwa abamba. Ebusua mu mba no wɔdɛ wokwetsir kaw gyangyan biara, na woesie sika ma daakye bi, wɔaye hɔn asedze nyinara, na wɔahwɛ hɔn ahodze do nyansa mu ara dze ekwetsir adze sɛe.

Awofo wɔdɛ wɔkyerekyere hɔn mba ma wɔnye binom kye hɔn ndzemba. Dza ɔwɔ no suar den ara mpo a, obiara botum ama biribi. Kwan kor a yetum boa abɔbɔfo nye yekye kɔm bosoom biara na yema akɔnye afɔrbɔ, a wɔdze ma hɔn a ɔkɔm dze hɔn no edziban, hɔn a wonnyi tsenabea no, tsebew; hɔn a wɔda adagyaw no, efuradze; na wɔdze gye nyia ɔwɔ amandzehu mu. Yekyerɛ hen dɔ ma Ewuradze ber a yeboa binom. Na ɔsee de, "Susuampa de hom aye ama hom nuanom nketseaba yi mu kor no, hom aye ama me (Matthew 25:40).

Erekyɛ Asɛmpa no

Ewuradze, edua Ne ndaa-odzi ekyir nkɔnhyɛfo do akyerɛkyere de, asɔrba biara wɔ asodzi de ɔnye binom kye asɛmpa no. "Na ɔmba no de obiara a hom abɔ no kɔkɔ no, no so mbɔ no nua kɔkɔ" (Nkyerɛkyere na Ahemudzi 88:81). Alma a, ɔye Mormon Nwoma mu nkɔnhyenyi no, kyerɛkyere mu de, se wonuma hen a ɔwɔ de yenya pe de "[ye]gyina de Nyankopɔn n'adasefo aber nyina wɔ adze nyina mu, wɔ

gyinabew biara a hom wɔ mu no mu” (Mosiah 18:9).



Ebusua mu mba no wɔdɛ wɔyɛ dza wobotum nyina dze boa hɔn ebusuafo nkaa no, anyenkofo, na fipamfo ma wosū fa Jesus Christ n'asempa no ho, na nhirya a obotum dze aba hɔn abrabɔ mu. Ber a wɔnye binom kye asempa no, awofo na mba botum ahye hɔn ankasa hɔn dasee dzen, na wɔdze asempa mu nhirya no abre binom so. Ebusua ebusua botum:

- Aye fasusu pa ber a wodzi mbrasem no nyina do (hwe Matthew 5:16).
- Nnya enyisɔ de wɔyɛ asɔrmba (hwe Romefo 1:16) na wɔma nkɔrɔfo nkaa no hu de wɔyɛ asɔrmba
- Wombisa nsefonom se wɔbɛ pe de wohu Asɔr ho nsem bi kã ho a.
- Ebisa Ewuradze ma ɔaboa hɔn ma ɔasan mu eyi ebusua kor bi anaa ankorankor bi a ɔaye krado de obetsie asempa no.
- Ada Asɔr no edzi akyere ebusua no anaa ankorankor no wɔ kwan bi do, tse de, eroto nsa afre hɔn ma wɔaba ebusua ewimber fie

nhiyamu anaa Asɔr nhiyamu anaa dwumadzi bi, erema hɔn Asɔr mbuukuu anaa nwoma-nkrataa ma wɔakenkan, anaa wɔnye hɔn nkasa mfa nhirya a ɔwɔ asempa no mu.

- To nsa afre ebusua no anaa ankorankor no ma wɔmbra wo fie na asempasomafo no mbekyerekyere hɔn.

Awofo wɔ asodzi de wɔyɛ ahoboaboa de hɔn ankasa na hɔn mba bɔsom wɔ etuhoakyɛ asempakā dwumadzi mu. Ama ɔama mba no, nkanka, mbanyimba no aye ahoboa no, awofo wɔdɛ wɔkyerekyere hɔn asempa no wɔ fie, wɔyɛ ankorankor na ebusua kyerewsem adzesua na mpaabɔ, na wɔ taa kasa fa asempa ne nkyee ho asodzi na nhirya. Wobotum akyerekyere hɔn mba no ma woesie sika akɔ asempakā, ɔayɛ edwuma dzen, ɔayɛ ahodan, na wɔadɔ na wɔasom nkɔrɔfo nkaa no so.

Temple Ayedze ma Atseasefo na Ewufo

Temple horow mu no, asɔrmba a wodzi mu no gye ayedze krɔnkron, na wɔnye Ewuradze dzi ahymu. Wɔdze hɔnho so hye ayedze dwuma ma hɔn ewuakɔr. Se ɔbeye a, egya no na enã no wɔdɛ hɔn mu biara gye noara ne *temple recommend* fi hɔn asɔfodzi banodzifo hɔ, na wɔkɔ *temple* kɛgye hɔnankasa hɔn *temple* ayedze. Se woe nnntum annkɔ *temple* a, ɔwɔ de wɔbɔ bra a wɔbefata *temple recommend*.

Ebusua ebusua wɔ asodzi krɔnkron de wɔbɔhwɛ de wɔaye *temple* ayedze ama hɔn ewuakɔr a wowui a hɔn nsa annkɔ ayedze yinom. Asɔrmba a wɔagye

hɔnankasa hɔn ayedze no wɔdɛ wɔttaa san kɔ *temple* keye ayedze ma hɔn ewuakɔr, dɛ mbre mber, ahodze, na kwan beda *temple* hɔ no.

Egyanom na enānom wɔdɛ wɔboaboa nkaa nkyerewee a ɔfa hɔn abrabɔ mu nsɛm tsitsir a woesisi, nye hɔn mba abrabɔ mu dze, nye nhŷira, enuma, asɔfodzi ne mmae, awargye, na owu dasedzi nkrtaa; nkrtaa a wɔakyerɛw abre hɔn a ho hia, mfonyin horow, dawurbɔ nkrtaa a woetwitwa no esinesin, na ndzɛmba a ɔtsetse dem, no sie. ɔwɔ de wɔboaboa hɔnakasa hɔn ankorankor abakɔsem na wɔhyɛ ebusua mu ba biara nkuran ma wosie hɔnankasa hɔn abakɔsem. Mbofra kakraba wɔdɛ wonya hɔn mboa dze hye hɔnankasa hɔn abakɔsem ase.



Ebusua ebusua wɔdɛ wɔboaboa nsɛm a ɔfa hɔn ewuakɔr ho na wɔhyehye dze ye ebusua abakɔsem. Nsem nhŷehyeɛ no wɔdɛ ɔhye ase fi hɔn do kesi hɔn nana sum do, cye ebusuasantsen anan.

Banodzi Dwuma ho Ntsetsee



Wɔ *stake*, asempakā dwuma, anaa nkorbata banodzifo hɔn kwankyerɛ ase no, asɔfodzi na banodzifo aboafø wɔdɛ wɔkyerɛkyere awofo no ma wɔtse ebusua no ne mfitsiasesem asodzi ebiasa no ase yie, na wodzi do (hwe nkrtaaafa 12–15). Se ebusua bi atsew no ho tse ekyirekyir a, *stake*, asempakā dwuma, anaa nkorbata banodzifo no wɔdɛ wɔhwe dɛ awofo no sūa na wɔhye hɔn asodzi no mā.

Ereyε Asɔrsom wɔ Fie (Ma Ebusua Ebusua a Wɔatsew hɔn ho tse Ekyirekyir)



Ebusua ebusua binon atsew hɔn ho tsetse ekyirekyir na wonntum nntaa nnkɔ ward anaa nkorbata nhiamu. *Woenya kwanma tum efi stake, asempakā anaa mansin mu president hɔ no, dem ebusua ebusua yinom wɔdɛ wɔyε* Kwesida asɔrsom wɔ hɔn efifie. Wɔ mbea a Asɔr no tɔw biara, *ward* anaa nkorbata, nnyi hɔ no, ebusua ebusua no behia kwanma tum efi Apaamu *President* no hɔ.

Egya no, anaa obi so a okitsa asɔfodzi no na ɔye sɔfo wɔ Aaron Asɔfodzi mu anaa okitsa Melchizedek Asɔfodzi no, se odzi mu, *na ne asɔfɔzi banodzifo no ama no ho kwan a*, obotum esiesie na oehyira *sacrament* no do. Obiara a okitsa asɔfodzi no botum dze *sacrament* no akɔ aporɔw. Nkyerɛkyere a ɔfa *sacrament* no ne nhirado na nkyeε

no wɔ kwankyerɛ buukuu yi ne nkraataafa 21-23 mu.

Kwesida asɔrsom no nnye de ɔyε kyinkyineen, na ɔwɔ de wɔyε no obu na enyidzi do. Iyinom botum akā ho.

1. Mbuei ndwom
2. Mbuei mpaabɔ
3. Erihyira na edze *sacrament* no rokɔ aporɔw.
4. Dza ɔtoa do yi mu kor anna dodow.
 - Nsenkā anaa dasedzi kor anaa ebien
 - Kyerewsem nkenkanee na wɔapensampensa mu de ebusua.
 - Adzesuadze a ebusua mu ba dze ma.

5. Mponee ndwom.

6. Mponee mpaabɔ̄.

Wɔrehyehye Kwesida asɔrsom no, awofo wɔdɛ wɔshwehwɛ Ewuradze no Sunsum na woedzi Ne kwankyerɛ do. Mormon Nwoma mu nkɔrɔfɔ no ma hen dem som yi ho fasusu: "...nam Sunsum no ndwuma nye Sunsum Krɔnkrɔn no tum do hweɛ hon nhiyamu nyinara do, na de mbre Sunsum Krɔnkrɔn no no tum kyereɛ hon de wɔnkā asempa anaa wontu fo anaa wɔmbɔ̄ mpaa anaa wɔntotɔ̄ nsere, anaa wontow ndwom no, demara so mpo na wɔyɛɛ." (Moroni 6:9).

Ebusua no wɔdɛ wɔma kyerewsem no ye hon kwankyerɛ ne ngyinado. Wobotum dze wiadze mfendzanan ehyiadzi mu nsenkā, *Asempa Ahyese, Asempa Fapem, True to the Faith, For the Strength of the Youth*, asempakā nwoma-nkrataa, Asɔr dawurbo nkraataa, nye nwoma binom a Asɔr no etsintsim dze epuei guado, na kasa, ndwomtow na mfonyinyi ndzemba akā ho edzi dwuma.

Se obiara nnyi ebusua no mu a okitsa asɔfodzi a ɔfata a, egya no anaa enã no botum abo a ebusua mu mba no ano, ma wɔabɔ̄mu atow ndwom, esūa kyerewsem no, wɔabɔ̄ mpaa, na wɔatwe aben hon ho na Egya a ɔwɔ sor. Ebusua no n'asɔfodzi banodzinyi a woeyi no ama hon no, wɔdɛ ɔyɛ nhiyehyeɛ a ofi ber to ber no, ɔama ebusua no enya kwan agye *sacrament* no.

Awofo no wɔdɛ wɔyɛ dapenda mu dwumadzi tse de, wotu mpasar, wɔkɔ picnic, hwɛ sene a no ho tsew, ebusuafo nsera, agodzi akansi, ndwomtow ago-dzi, na esubor.

Ebusua no wɔdɛ wɔdze ebupen du, akɔnkye afɔrbɔdze, na ntoboa nkaa no ma hon asɔfodzi banodzinyi a woeyi no ama hon no.

Ebusua no nnkyerew honho amandzeɛbo mma Asɔr no, mbom asɔfodzi banodzinyi a woeyi no ama hon no, taa ye egya no kokoamu mpensampensamu, na obisa no ma ɔbɔ̄ no ebusua no ho amandzɛɛ. Ber a okehia no, banodzinyi no botum aye kokoamu mpensa-mpensa mu no wɔ telephone do.

Asəfodzi Ayədze na Nhyira



Asəfodzi ayədze no ye nyee krənkrən a Ewuradze dze ama na wədze asəfodzi no ne tumdzi no ye. Wənam asəfodzi no ne tumdzi no do ma asəfodzi nhyira a, ɔma ayarsā, awerəkyekyer na nkuranhye. Enuanom a wɔyε ayədze yinom no wɔdə wosiesie hənho ber a wɔdze asempa no fapem no bɔ hən bra na wɔper de Sunsum Krənkrən no bəye hən kwankyerɛfo. Ayədze na nhyira mu biara ne nyee no, ɔwɔ de wɔyε no wɔ enyidzi kwan do na wodzi ehiadze a odzi do yinom do; ayədze no wɔdə:

1. Wɔyε no Jesus Christ ne dzin mu.
2. Wɔdze asəfodzi no ne tumdzi no ye.
3. Wɔyε no nyebew a wɔrohwewhwe do, tse də ekā kasafua a wɔakyere

no turodoo, anaa edze ngo a woe-hyira do dzi dwuma.

4. Se okehia a, asəfodzi banodzinyi a woeyi no ama hən no na okitsa tum nsafee a odzi mu no, na ɔma ho kwan.

Ayədze horow a ohia kwanma tum fi asəfodzi banodzinyi hɔ nye mbofra dzinto na nhyira, enuma na pisi ne nyee, erema asəfodzi na erehye asəfodzi mu dzibew, irihyira sacrament do na edze rokɔ apɔrɔw, na nda ne nhyira do.

Se enuanom a wɔkā ho ma wɔyε ayədze anaa nhyira no dɔɔ sō a, hən mu kor biara dze ne nsa bankum to no nuabanyin a odzi ne bankum no n'abatsir do breww. De wɔboto nsa afre hən a wokitsa asəfodzi no beberee ma

wɔaboa ayedze no ne nyee no, nnyeɛ dza wɔhye ho nkuran.

Ayedze na nhŷira horow a wɔakyere-kyere no wɔ ɔfā yi mu no bɔboa egyna-nom ma wɔasom de *patriarchfo* wɔ hɔn ebusua ebusua mu.

Eroto Dzin na Irihyira Mbofra



"Christ n'asor mu ba biara a ɔwɔ mba no wɔ de ɔdze hɔn ba *elderfo* no wɔ asor enyim, ma wɔdze nsa gu hɔn do wɔ Jesus Christ dzin mu, na wohyira hɔn wɔ ne dzin mu" (Nkyerékyere na Ahyemudzi 20:70). Wɔ dɛm nyikyerɛ kwan mu yi, mbanyin a wodzi mu a wokitsa Melchizedek Asɔfodzi no nko na wobotum akā mbofra dzinto na nhŷira no ho. *Olia de banodzifo tumdzifo no ma mbofra dzinto na nhŷira ayedze no ho kwan ana wɔayɛ.*

Se worihyira abɔdomaba a, mbanyin a wokitsa Melchizedek Asɔfodzi no boa ano wɔ kontɔnkron mu na wosuo abɔdomaba no mu to hɔn nsa mu. Se worihyira abofa a n'enyi efir kakra a, enuanom no dze hɔn nsa gu abofra no ne stir do bereww. Nyia ɔma nhŷira no:

1. Kasa kyere ɔsor Egya.
2. Kā de wɔdze Melchizedek Asɔfodzi no ne tumdzi no ma dɛm nhŷira no.
3. ɔma abofra no dzin.
4. ɔma asɔfodzi nhŷira de mbre Sunsum no kyere.
5. Owie wɔ Jesus Christ ne dzin mu.

Enuma



Wɔ banodzifo tumdzifo ne kwankyere ase no, sɔfo a odzi mu anaa banyin a okitsa Melchizedek Asɔfodzi no botum aye enuma. ɔbeyɛ dem no, ɔno:

1. Nye nyimpa a wobonuma no gyina nsu no mu.
2. Ama noho abaa no na ɔaye dwo-dwoo no, ɔdze ne nsa bankum suo nyimpa no ne nsa nyimfa bakɔn mu; nyia no a worunuma no dze ne nsa bankum suo nyimpa a ɔreyɛ enuma no ne bakɔn mu.
3. Ma n'abasa nyimfa do gyina square.
4. Bɔ nyimpa no dzin emu, na ɔkā dɛ, "ɔnam tumdzi a Jesus Christ dze ama no do ntsi, munuma wo wɔ Egya, ɔba, nye Sunsum Krɔnkron

dzin mu. Amen" (Nkyerékyere na Ahyemudzi 20:73).

5. Ma nyimpa no dze ne nsa nyimfa suo no hwen mu ama noho abaa no; nyia orunuma no dze ne nsa nyimfa to nyimpa no ekyir sor ara yie na ɔdze nyimpa no, a ne ntar nyina kā ho no hye nsu no mu korakora.
6. Boa nyimpa no ma ofi nsu no mu pue.

Asɔfo beenu anaa mbanyin beenu a wokitsa Melchizedek Asɔfodzi no gye enuma kor biara ho dase dze hwε hu no pefee de wɔaye no yie papaapa. Otwar de wosi enuma no do bio se ɔannnkā kasafua no pepeeper de mbre wɔdze ama wɔ Nkyerékyere na Ahyemudzi 20:73 anaa, se nyimpa no no honandua anaa n'atar no ho beebei annhye nsu no mu a. Nyimpa a worunuma no na nyia ɔreye ayedze no wɔde wɔhye ntar fufuw a ɔfɔw a nnhu hɔnho.

Pisi

Hɔn a wɔasakyer na woedzi mfe akron na no mboree, na hɔn a woedzi mfe awɔtwe a hɔn awofo beenu no nyina nnye asɔr mba no, wosi hɔn pi wɔ *sacrament* nhiamu ase (hwε Nkyerékyere na Ahyemudzi 20:41). Mbofra a woedzi-mfe-awɔtwe no, wobotum esi hɔn pi aber noara a woe-numa hɔn ewie no wɔ enumabea hɔ noara, se annye yie koraa no hɔn awofo no mu kor yε asɔrba a, na awofo beenu no nyina ama kwan de wonuma na

wonsi hɔn pi a. Wɔ *bishop* anaa nkorbata mu *president* no kwankyerε ase no, banyin kor a okitsa Melchizedek Asɔfodzi anna dodow botum aye ayedze yi. Wɔdze hɔn nsa gu nyimpa no ne tsir do breww. Nyia ɔye ayedze no:



1. Bɔ nyimpa no dzin emu.
2. Kā de wɔdze Melchizedek Asɔfodzi no ne tumdzi no ye dem ayedze no.
3. Wosi nyimpa no pi de Jesus Christ N'asɔr a ɔwɔ hɔ ma nda a Odzi Ekyir Ahotseewefo asɔrba.
4. Wɔma no Sunsum Krɔnkrɔn no ber a wɔkā de, "Gye Sunsum krɔnkrɔn no."
5. Wɔma no asɔfodzi nhyira de mbre Sunsum no bekeryere.
6. Wie wɔ Jesus Christ ne dzin mu.

Edze Asɔfodzi Rema na Erehyɛ Asɔfodzi mu Dzibew horow



Bishop anaa nkorbata mu president na ɔhwe Aaron Asɔfodzi ne mmae, nye deacon, kyerekeryenyi, na ɔɔfo dzibew horow ho asɔfohye do. Ansaana wɔbehyɛ nyimpa Aaron Asɔfodzi dzibew no, otwar de bishop no anaa nkorbata mu president no, ye no mpensampensamu dze hwe de odzi mu a. Bio so, otwar de wɔma no tsipia wɔ sacrament nhiyamu ase. Bishop no anaa nkorbata mu president ama ho kwan no, sɔfo botum dze Aaron Asɔfodzi no ama nyimpa fofor na ɔahyɛ no akɔ Aaron Asɔfodzi dzibew mu.

Stake anaa Nsɛmpakā president na ɔhwe Melchizedek Asɔfodzi ne mmae, na elder, na sɔfopanyin dzibew horow ho asɔfohye do.

Erema Asɔfodzi no anaa erehyɛ asɔfodzi mu dzibew no, banyin kor anaa hɔn mboree a wokitsa asɔfodzi a ɔfata no, na wɔama hɔn ho kwan efi bandomdzinyi tumdzifo no hɔ no, dze hɔn nsa gu nyimpa no ne tsir do bereww. Nyia ɔyɛ ayedze:

1. Bo nyimpa no ne dzin emu.
2. Kā tumdzi (*Aaron* anaa Melchizedek Asɔfodzi) no a wɔdze dem ayedze no ye no.
3. Ma no Aaron anaa Melchizedek Asɔfodzi no, gyedɛ wɔdze ama no dadaw.
4. Hyɛ nyimpa no kɔ Aaron anaa Melchizedek Asɔfodzi dzibew mu na ma no kyɛfa, tum na tumdzi a odzi wɔ dem dzibew no.
5. Ma no asɔfodzi nhyira de mbre Sunsum no bɛkyere.
6. Wie wɔ Jesus Christ ne dzin mu.

Sacrament



Sacrament no ye ayedze krɔnkron mapã. Iridzi *sacrament* no ma wo kwan ma etum akaa Jesus Christ n'abrabɔ, ne nkyerekeryere na ne Werdambɔ no. ɔyɛ mber a edze kenyen ahyemudzi a enye Ewuradze yee wɔ enuma ber no. (hwe Mosiah 18:–10).

Akyerekeryerefo na asɔfo botum esiesie *sacrament no*; asɔfo botum ehyira do; *deaconfō*, akyerekeryerefo na asɔfo botum dze akɔ aporɔw. Enuanom a wokitsa

Melchizedek Asɔfodzi no botum esiesie *sacrament* no, na woehyira do, na wɔdze akɔ aporɔw, mbom wɔtɔ de wɔye no dɛm ber a enuanom Aaron Asɔfodzifo no hɔn ho suar. Se obi atō mbra a ɔye dur a, onnyi de osiesie, ohyira do, anaa ɔdze *sacrament* no kɔ aporɔw, gyedə oenu noho na ɔnye *bishop* no anaa nkorbata mu *president* no ahwɛ esiesie asem no.

Hɔn a wosiesie *sacrament* no, wohyira do, anaa wɔdze kɔ aporɔw no gyina Ewuradze anan mu ye ayedze no ma binom. Obiara a okitsa asɔfodzi no wɔde ɔdze awɔse su na obu ba kan bedzi dwuma yi. N'ahosiesie wɔde odzi mu, ɔtsew, na n'atarhye kyere enyidzi. Ankorankor hwɛbew no wɔde ɔda ayedze no ne krɔnkrɔnɛ no edzi.

Enuanom a wosiesie *sacrament* no wɔde wowie ye ansaana *sacrament* nhymamu no ahyɛ ase. Wɔdze paanoo a wombubui gu paano koradze a no mu tsew, na *sacrament* nkɔppow koradze a nsu pa wowɔ mu si *sacrament* pon no do. Wɔdze tam fitaa a ɔtsew kata paanoo na nsu no do.

Ber a wɔrotow *sacrament* ndwom no, hɔn a wɔwɔ *sacrament* pon ho no yi tam no a ɔkata paanoo koradze no do na wobubu paanoo no mu ma ɔye nkakraba. Wɔatow ndwom no ewie no, nyimpa no a ohyira paanoo no do no bu nkotodwe na ɔbɔ *sacrament* mpaa a ɔwɔ hɔ ma paanoo no. Nkyii, enuanom no dze paanoo no kɔ aporɔw kema hɔn a wɔwɔ hɔ no obu muara, na esiado esiado. Banodzifo tumdzifo a ɔwɔ nhymamu ase no na

odzi kan gye *sacrament* no. Se obiara a ɔwɔ hɔ no nya ho kwan dzi paanoo no bi a, hɔn a wɔdze kɔ aporɔw no san dze hɔn akoradze no ba *sacrament* pon no ho. Wɔdze paanoo no akɔ aporɔw ewie ara no, hɔn a wohyira *sacrament* do no san kata akoradze no do bio.

Hɔn a wɔwɔ *sacrament* pon no ho no yi tam no fi nsu koradze no do. Nyimpa a ohyira nsu no do no bu nkotodwe na ɔbɔ *sacrament* mpaa a ɔwɔ hɔ ma nsu no. Enuanom no dze nsu no kɔ aporɔw kema hɔn a wɔwɔ hɔ no. Wɔdze akoradze no san ba *sacrament* pon no ho na wɔkata do bio. Nkyii, enuanom no a wohyira *sacrament* no do na hɔn a wɔdze kɔ aporɔw no, ketsena hɔn ngua do wɔmboanofo no mu.

Sacrament no wɔ hɔ ma asɔrmba a, mbofra kā ho. Nyia ɔdze nhymamu nhymehyɛ no to gua no nnyi de ɔkā kyere hɔn de wɔdze rokɔ aporɔw ama asɔrmba nkotsee; onnyi de wɔye biribiara a obesiw hɔn a wɔnnye asɔrmba no kwan de wobedzi bi.

Sacrament mpaaabɔ no otwar de wɔbɔ no pefee, pepeeper, na wɔ enyidzi mu. Se nyimpa a ohyira *sacrament* do no ye mfom wɔ nkasafua ne nkāe mu na noara ankasa anntsen no a, *bishop* no anaa nkorbata mu *president* no kā kyere no ma osi mpaa no do, na ɔtsen no.

Mpaabɔ a ɔwɔ hɔ ma paanoo no nye yi: "O Nyankopɔn, Onnyiewiei Egya yesera wo wɔ wo Ba Jesus Christ ne dzin mu, de hyira dɛm paanoo yi

do na tsew ho ma akra a wobedzi nyinara, ama woedzi dze akaa wo Ba no honandua, na wɔagye dase ama wo, O Nyankopon, Onnyiewiei Egya, de woenya pe de wɔbefa wo Ba ne dzin ato hon do, na wɔkaa no aber nyina, na woedzi ne mbrasem a ɔdze ama hon no do, ama aber nyina woenna no Sunsum ma ɔnye hon atsena. Amen" (Nkyerkyere na Ahyemudzi 20:77 na Moroni 4).

Mpaabɔ a ɔwɔ hɔ ma nsu no nye yi:

"O Nyankopon, Onnyiewiei Egya yesere wo wɔ wo ba Jesus Christ ne dzin mu, de hyira dem [nsu] yi do na tsew ho ma akra a wɔbonom nyina, ama wɔayé dze akaa wo Ba no bɔgyaa a okyii maa hon, na wɔagye dase dze ama wo, O Nyankopon, Onnyiewiei Egya, na wɔkaa no aber nyinara, ama woenya no Sunsum ma ɔnye hon atsena. Amen" (Nkerkyere na Ahyemudzi 20:79 na Moroni 5).

Wowie nhiamu no, mber pa mu no, ɔwɔ de woyi *sacrament* no fi pon no do. Paanoo biara a ɔaka no, wobotum edzi no de edziban.

Irihyira na edze sacrament no rokɔ apɔrɔw no hia kwanma tum fi banodziyi tumdzifo hɔ.

Irihyira Ngo do

Banyin kor (anaa mboree) a okitsa Melchizedek Asɔfodzi no botum ehyira olive ngo wansawansa do ama no botae krɔnkron de wɔdze beye ayarfo ngosera na hon a wɔwɔ ɔshaw mu.

1. Kitsa adze a *olive* ngo gu mu a oebue do ato hɔ.
2. Kasa kyere hen Osor Egya.
3. Kā de wɔdze Melchizedek Asɔfodzi no ne tumdzi no na wɔdze ye aye-dze no.
4. Hyira ngo no do (nnye adze a ogu mu no) na de wɔdze besera na wɔdze ehyira ayarfo na hon a wɔwɔ ɔshaw mu.
5. Wie wɔ Jesus Christ ne dzin mu.



Irihyira Ayarfo

Mbanyin a wokitsa Melchizedek Asɔfodzi no nkotsee na wobotum ehyira ayarfo na hon a wɔwɔ ɔshaw mu. Hon mu beenu anaa mboree na wɔtaa ye ayedze yi, mbom kor noara ankasa botum aye. Se ngo a woehyira do nnyi hɔ a, banyin a okitsa Melchizedek Asɔfodzi no botum dze asɔfodzi no ne tumdzi no ama nhirya.

Egya a okitsa Melchizedek Asɔfodzi no wɔde ohyira n'ebusua mu mba a wɔyar. Obotum ebisa banyin bi so a

okitsa Melchizedek Asəfodzi no ma
ɔaye no mboa.

Irihyira ayarfo no wɔ afā afā ebien:
(1) edze ngo resera na (2) eresɔw
ngosera no ano.

Edze Ngo Resera

Banyin kor a okitsa Melchizedek
Asəfodzi no na ɔsera nyia ɔyar no.
ɔrebeyɛ a, ɔno:

1. ɔdze ngo a woehyira do sɔ nyimpa
no ne tsir do.
2. ɔdze ne nsa gu nyimpa no ne tsir
do bereww na ɔbɔ ne dzin no emu.
3. Kā dε ɔdze Melchizedek Asəfodzi
no ne tumdzi no na ɔdze resera
nyimpa no.
4. Kā dε ɔdze ngo a woehyira do ama
ayarfo na hɔn a wɔwɔ ɔshaw mu
resera no.
5. Wie wɔ Jesus Christ ne dzin mu.

Erosɔw Ngosera no Ano

Nyimpa beenu anaa mboree a wokitsa
Melchizedek Asəfodzi no, na wɔtɔ dε
wɔdze hɔn nsa gu nyia ɔyar no ne tsir
do breww. Mbanyin no mu kor sɔw
ngosera no ano. ɔrebeyɛ dem no, ɔno:

1. ɔbɔ nyimpa no ne dzin emu.
2. ɔkā dε ɔrosɔw ngosera no ano wɔ
Melchizedek Asəfodzi no ne tum-
dzi mu.
3. Ma nhhyira dε ma Sunsum no kyere.
4. Wie wɔ Jesus Christ ne dzin mu.

Egya ne Nhyira na Nhyira Bi So a ɔma Awerɛkyekyer na Afotu



Wɔma egya ne nhhyira na asəfodzi
nhhyira binom so, ama wɔaama kwan-
kyere na awerekyekyer dε mbre
Sunsum no kyere.

Egya a okitsa Melchizedek Asəfodzi
no botum ama ne mba egya nhhyira.
Nhhyira a ɔtsetse dem no botum aboa
tsitsir ber a mba no fi fie, tse dε, wɔkɔ
skuul anaa wɔkɔ asempakā dwuma,
anaa ber a wɔhye edwumaye ase,
wɔwar, wɔhen akɔfɔsɔm mu, anaa
wohyia ankorankor ehiasem soronko
bi. Nhhyira yinom tum ye ahoozden
kese ma ebusua no. Ebusua bi botum
etsintsim egya ne nhhyira dze aye ebu-
sua abakɔsem, naaso wɔmmfa nsie
Asɔr abakɔsem mu. Awofo wɔdε
wɔhye hɔn mbofra nkuran ma wɔhwe-
hwε egya ne nhhyira wɔ ehia ber mu.

Mbanyin a wodzi mu a wokitsa
Melchizedek Asəfodzi no so botum
dze awerekyekyer na afotu nhhyira

ama hɔn nyernom, ebusuafo nkaa, na binom so a wobisa hɔn.

Ebema egya ne nhyira anaa awerekyekyer na afotu nhyira bi so a, banyin a okitsa Melchizedek Asɔfodzi no, noara ankasa anaa ɔnye banyin kor anaa mboree a wodzi mu na wokitsa Melchizedek Asɔfodzi no, dze hɔn nsa gu nyia ɔregye nhyira no ne tsir do bereww. Nhyira yinom nnhia ngo. Nyia ɔrema nhyira no:

1. ɔbɔ nyimpa no dzin emu.
2. ɔkā de ɔdze Melchizedek Asɔfodzi no ne tumdzi no na ɔdze ma nhyira no.
3. ɔma nhyira de mbre Sunsum no kyere.
4. Wie wo Jesus Christ ne dzin mu.

Nda a Worihyira Do

Otwar de nyia ohyira nda do kitsa Melchizedek Asɔfodzi no na *otwar de onya kwanma tum fi asɔfozi dzibewdzifo a ɔdze som ne nhyehyee to gua no.*

ɔrehyira nda do a, ɔno:

1. Kasa kyere ɔsor Egya.
 2. Kā de ɔdze Melchizedek Asɔfodzi no ne tumdzi no rehyira nda no do.
 3. Bo mpaa hyira na ɔtsew owumaa a ɔwɔ esiei bea hɔ no do, de ɔnye nyimpa a oewu no honandua ahomgye bea.
 4. Se ɔse fata a, ɔbɔ mpaa de bea no ho betsew na oenya banbɔ akepem Wusocer no.
 5. Bisa Ewuradze de ɔnkyekyer ebusua no were, na ɔkā dza ɔba n'a-dwen mu bi so, de mbre Sunsum no kyere.
 6. Wie wo Jesus Christ ne dzin mu.
- Se ebusua no pe a, nyimpa (nkankā banyin a okitsa Melchizedek Asɔfodzi no) botum abɔ nda nkyen mpaabɔ sen nda nhyirado mpaabɔ.

Asor Ndzemba ne Nyae na Ebusua Abakosem ho Nsem no Nhwehwee

Son mu banodzifo na asormba nkaa no botum enya Asor ndzemba, a kye-rewsem, adzesusadze nwoma, Asor dawurbo nkrataa, *garment* horow, na *temple* ntar kã ho efi hon Asor ndzemba kyekye asoee anaa *service* asoee, efi Salt Lake Distribution Center, anaa efi Asor no *Internet* bea a wɔapen do, wobohu no wɔ www.lds.org.

Ebusua abakosem ndwuma ho nsem no nsa bekã no wɔ Asor no ne ebusua abakosem ne *Internet* bea a, wobohu no wɔ www.familysearch.org.

JESUS CHRIST
N'ASOR A CWO CH MA
NDA A ODZI EKYIR
AHOTSEWEEFO

